

ERA CRASTA

Numerò 49 · abriu 2006

Impresi sense adreça

Urbanizacion integráu deth carrèr Sarriulèra de Vielha

Eth dia 15 de març comencèren es òbres d'urbanizacion integráu deth carrèr Sarriulèra de Vielha. Aguesti trabalhs consistissen principaument ena substitució de toti es hilats d'aigua, esgotaders, lum, gas e d'ua naua pavimentacion de tot eth carrèr.

Ena prumèra fasa d'aguesti trabalhs s'a daurit era part que va des deth carrèr Metdia enquiara Avenguda Pas d'Arró.

Era dusau fasa que s'iniciarià ara fin dera prumèra, se daurirà des deth carrèr metdia enquiath Pònt deth Cap dera Vila. Toti aguesti trabalhs ei previst finalizar-les abantes der estiu.

Eth pressupòst des trabalhs ei de 568.791,18€ e les execute era empresa COPASA 10.

Tanben, pendent eth mes d'abriu ei previst er inici des òbres deth nau pònt deth Cap dera Vila.



Contròtle des nivèus de camps electromagnetics des estacions de basa de telefonia mobila.

Era Generalitat de Catalonha comencèc en an 2002, eth desenvolupament d'un sistèma de contròtle des nivèus de camps electromagnetics des estacions base de telefonia mobila, entà velhar pera qualitat ambientau enes zònes a on i pogue auer abituaument persones.

Aguesta ei ua pròva pilòt, e un des lòcs trigadi a estat Vielha e Mijaran.

Eth sistèma qu' a estat plaçat en Prat de Tishineret en Cap dera Vila,

compòrte era installacion d'ua sonda, laguens d'ua caisha metallica ermetica de redusides dimensions, connectada ath hilat electric. Aguest equip mesure es nivèus de camp entà contròtlar qu'aguestes mesures siguen en tot moment laguens des valors limits admetudi per normativa actua.

Es resultats des mesures hè-tes des dera installacion dera sonda enquià ara complissen era normativa de referència.

Estadistiques dera Biblioteca Generau de Vielha

Aguest mes vos hèm a conéisher es estadistiques der an 2005 dera nòsta biblioteca. Entad açò qu'ei ath prèst, eth totau de documents deishats a estat de 17.322 entà tot er an, damb ua punta de 1.700 prèstes en mes de noveme passat.

En cò que tanh ath nombre de visitants, en 2005 passèren pera nòsta Biblioteca 42.378 persones (lèu 4.500 sonque en mes de març), e d'aguestes, 8.074 heren us deth servici d'internèt.

SUMARI

1

Urbanizacion integráu deth carrèr Sarriulèra de Vielha

Contròtle des nivèus de camps electromagnetics des estacions de basa de telefonia mobila.

Estadistiques dera Biblioteca Generau de Vielha

2

Era Biblioteca Generau de Vielha partcipe en projècte: Nascuts per llegir

Esquí Escolar

3

Campionats de Catalonha de Patinatge Artistic

Cors de Flamenc e d'Atletisme


Nauetats deth Palai de Gèu

4


Hèsta de Sant Pònc

Setmana dera Solidaritat

Nombre de prèstes per mes, 2005



Nombre de visitants per mes, 2005



Ath delà, era Bibliotèca Generau participèc pendent eth 2005 en 35 activitats diferents, despartides en 112 sessions, a on participèren 1.082 personas en totau, 105 adults e 977 mainatges,

entre exposicions, ores deth conde, visites escolares, eth Salon deth Libre.

Era Bibliotèca Generau de Vielha partícipe en projècte :



Aguest projècte a coma objectiu fomentar eth gust pera lectura a compdar deth primèr mes de vida dera mainadèra, en tot establir un ligam afectiu entre adults e petits ath torn deth libre. Ena primèra fasa deth projècte, enquiath 2007, i preneràn part es mainatges neishuts a compdar deth 2005

enes 21 municipis que s'an hijut ath plan pilòt, Vielha e Mijaran entre eri, a on collabòren er Ajuntament, per miei dera Bibliotèca Generau, e eth Servicí Aranés dera Salut, per miei der Airau materno-infantil.

Ua des rasons mès convincentes deth valor dera lectura en primèr an de vida des mainatges ei aquerir competència lingüística. Eth lenguatge verbau ei un veïcul important de comunicacion, pr'amor d'açò, liéger o explicar istòries en votz nauta significque contribuïr ara formacion dera estructura deth lenguatge.

Aguesta iniciativa ei eth trabalh conjunt des professionaus deth camp dera cultura e dera salut. Atau, per exemple, ena consulta medicau, eth personau de pediatria, infermeria e d'assistència ath part introdusissen eth libre com un esturment util entà avalorar eth desenvolopament psicomotor e afectiu deth mainatge, e avaloren progressivament eth grad

d'atencion e concentracion des mainatges a partir der apropament ath libre e ara lectura; recomanen as pairs era lectura en votz nauta; balhen informacion e bibliografia de tèmes concrèts qu'afecten ath desenvolopament deth mainatge e dera familha; suggerissen as pairs e mairs que visiten era bibliotèca damb es sòns hilhs e avaloren eth desenvolopament graduau dera abitud de lectura des mainatges e dera familha.

Ena bibliotèca, eth collectiu de bibliotecaris acuelh as familhes derivades peth personau de pediatria, infermeria e d'assistència en part, en tot informar-les des servicis qu'aufrís era bibliotèca, eth hons destinat as mainatjons e es sues característiques, e remèrquen era importància qu'a era lectura laguens dera familha; creèn eth Cornèr des mairs e pairs damb ua seleccion de bibliografia relacionada damb eth creishement e desenvolopament deth mainatge e era lectura; organizen activitats entà acostumar ara lectura as mainatges e as sues familhes; seleccionen es libres entàs sales de demora de pediatria e hèn eth seguiment des familhes e des mainatges que prenen part en projècte.

Er objectiu finau ei que non i age:

- cap de brèc sense un libre
- cap mainatjon sense pairs que li liegen en votz nauta
- cap de mainatge sense es beneficis dera lectura

Esquí Escolar

Enguan, e per quatau an consecutiu, s'a desenvolopat era "Campanha d'esquí escolar" ena quau i an participat un totau de 70 escolans de 1èr. e 2au. cors de Cicle Superior. Cau remarcar que i a auut un 30 percent d'escolans que s'an metut es esquís per primèr viatge ena sua vida, e gràcies as classes recebudes experimenten un procès espectacular.

Toti es dimèrcles tà miei dia, des der 11 de gèr enquiath 29 d'abriu, es escolans an pujat, tàs pistes tà desenvolopar aguesta activitat, e recéber classes damb es professors d'"Era Escòla". e es ores de classe s'an recuperat es dimars e dijaus de dotze a ua .

Eth darrèr dia se hec era tradicionau corsa e aguesti son es resultats artenhudi:

1èr grop NIVÈU "A" MASCULIN e FEMENIN

1èr.-	Hassan El mounni	Ainhoa Domínguez
2au.-	Pablo Albacete	Elena Baleanu
3au.-	Jorge Ramos	Cristina Rodríguez

2au. grop NIVÈU "A" MASCULIN e FEMENIN

1èr.-	Eric García	Ainhoa Domínguez
2au.-	Abdelali Hammada	Zaira Pérez
3au.-	Oriol Sala	Bianca Mihai

NIVÈU "B" MASCULIN e FEMENIN

1èr.-	Yago Constenla	Alba Alejandro
2au.-	Mark Ventsislavov	Gema Antoni
3au.-	Bryan Barceló	Estefanía Alejandro

1èr. grop NIVÈU "C" MASCULIN E FEMENIN

1èr.-	Hugo Rodríguez	Maria Buerba
2au.-	Martí Moga	Claudia España
3au.-	Mario Fernández	Loreto Sáez

2au. grop NIVÈU "C" MASCULIN E FEMENIN

1èr.-	Fernando Granados	Joana Boix
2au.-	Eduard Viló	Montse Estévez
3au.-	Andreas Anghel	Mariona Brito

NIVÈU "D" MASCULIN E FEMENIN

1er.-	Oscar Maurelos	Ada Lapedra
2au.-	Borja Serrano	Ana Mª Parfion
3au.-	Sergio Najera	Maria Riart.

Campionats de Catalonha de Patinatge Artistic

Es dies 3, 4 e 5 de març se celebrèc en Palai de Gèu de Vielha eth "Campionat de Catalonha 2006" de patinatge artistic sus gèu e er "Open de Catalonha 2006", organizat pera Federacion Catalana d'Espòrts d'Iuèrn e peth Club Espòrts de Gèu Val d'Aran (CEGVA), e damb era collaboracion deth Palai de Gèu, der Ajuntament de Vielha e Mijaran, deth Conselh Generau d'Aran, dera Federacion Catalana d'Esports d'Hivern. I participèren uns 60 patinaires procedenti de clubs de Madrid, Aragon, Andorra e de Catalonha, e entre eri n'i auec 3 d'aranesi qu'artenhèren es resultat que seguissen:

JENIFER ÁLVAREZ – 4au. classificada ena categoria Infantil B femenin.

QUIM PIRIS- 2au classificat ena categoria Minima masculina
JONATHAN MONTES- 1èr classificat ena categoria Junior 2au. masculina.

E ena classificacion per clubs, eth CEGVA demorèc classificat en tresau posicion.



Toti de colònies

Eth Departament de Joenessa deth Conselh Generau d'Aran, amassa damb Torisme Juvenil Val d'Aran e era Fundacion Verge Blanca, an premanit un programa entà toti aqueri que volgatz anar de colònies.

Era estada serà deth 10 ath 17 de juliol e EL GARRAF-CUBELLES, en Mas d'En Pedro, e ei adreçada a toti es mainatges e mainades de 8 a 12 ans.

Ei ua activitat subvencionada peth Departament de Joenessa deth Conselh Generau d'Aran e eth prètz serà de sonque 190 €.

Eth prètz includís: Lotjaments, activitats, desplaçaments, materiau e assegurança.

Es places son limitades, per rigorós orden d'inscripcion e era data limit d'inscripcion ei enquiath 28 d'abriu ena oficina de Joenessa deth Conselh, plaçada ena Av. Garona 33, enes baishi deth Palai de Gèu.

Entà poder desenvolopar aguesta activitat s'a comptat damb era collaboracion der Ajuntament de Vielha e Mijaran, deth Conselh Generau d'Aran, de Baquèira Beret, a d' Era Escòla atau coma era de d'auti particulars e de toti es professors deth CEIP Garona.



Cors de Flamenc e d'Atletisme

Er Ajuntament de Vielha e Mijaran, ath delà des còrsi que dejà organize a començat un nau cors de dança flamenca e d'atletisme.

CORS DE FLAMENC.

A lòc en Palai de Gèu de Vielha, toti es dimenges d 12 a 14 or. , e eth prètz ei de 23 € mesadèrs.

Es inscripcions son ena botiga Maldito Duende, telefon 973 640257, e era professora ei Montse Moreno.

CORS D'ATLETISME

Era prumèra amassada informativa aurà lòc eth dia 11 d'abriu entàs 19 or. en Ajuntament de Vielha e Mijaran.

Era monitora serà Svetlana Slavona, lançadora olimpica de javelina.

Tant es oraris coma es prètzi se mercaràn d'acòrd damb era aflluència de participants.

Es inscripcions seràn en Ajuntament de Vielha e Mijaran.

Nauetats deth Palai de Gèu

SERVICI DE TRAUMATOLOGIA

A compdar deth mes d'abriu, eth Palai de Gèu dispausarà d'un servici de Traumatologia amiat peth Doctor José Luís Muñoz.

Er orari de visites serà de 19,30 a 21,30 or, e entà demanar ora cau telefonar tara recepcion deth Palai: 973 64 28 64.

Es visites auràn ua durada de 15 a 20 minutes e eth prètz serà de 35 € era prumèra visita e de 20 € es posteriores.

SERVICI DE REVISION MEDICA

Aguest nau servici s'aufrirà de franc as NAUI ABONATS a compdar deth mes d'abriu. Consistirà en ua revision generau d'exploracion, auscultacion, nautada, pes, etc... entà poder auer ua ficha medica der abonat. Dilhèu, en acabar era temporada, se dispausarà d'un "elèctro" entà poder hèr ua revision mès complèta.

Aguest servici NON SERÀ OBLIGATÒRI ENTÀS ABONATS.

METÒDE D'ENTRENAMENT "PILATES"

Aguest ei un nau metòde d'entrenament format per ua seqüència d'exercicis pensadi entà estirar, enfortir e cercar er equilibri deth còs e dera ment. Va adreçat a toti, sense limit d'edat ne condicion fisica, e s'adapte tà cada persona.

Es grops seràn de 8 persones e es oraris: dimarts e dijaus de 11,00 a 12,00 or; un aute grop de 14,00 a 15,00 or. e de 19,30 a 20,30 or. Era participacion enes grops anarà per orde d'inscripcion ena recepcion deth Palai.

Eth prètz serà de 80 € ath mes tàs abonadi, e de 100 € ath mes entàs que non siguen abonadi.

Hèsta de Sant Pònc

Eth dijaus 11 de mai er Ajuntament de Vielha e Mijaran celebràrà era Hèsta de Sant Pònc damb un CONCORDS DE PASTISSI e LICORS

Aurà lòc ena Sala d'Actes der Ajuntament de Vielha e Mijaran a compdar des 17, 00 or. e se premiarà damb 90€:

Eth pastís mès bon

Eth pastís mès originau

Es melhors crespèths e es melhors coquilhons

Era melhor confitura

Eth melhor licor

Eth melhor pastís professionau (aguesta categoria ei adreçada as professionaus dera gastronomia que i volguen participar)

Cau rebrembar qu'es productes presentadi auràn d'èster d'elaboracion pròpria e qu'ara fin deth concors poderan degustar-les entre toti es participants e assistents.

Er acte compdarà damb era collaboracion dera Escòla d'Ostalària de Les que mos harà ua demostracion de codina



Foto Ruiz

SETMANA DERA SOLIDARITAT

Er Ajuntament de Vielha e Mijaran, a prevista era celebracion dera Setmana dera Solidaritat 2006.

Aguesta iniciativa recuelh un conjunt d'activitats diuèrses, organizades pes associacions e collectius deth municipi, que se desvoloparan deth 14 ath 27 d'abriu, e es donatius arremassadi enguan se destinaràn ara Associacion Vicente Ferrer e eth projècte presentadi auràn d'èster d'elaboracion pròpria e qu'ara fin deth concors poderan degustar-les entre toti es participants e assistents.

Es actes previsti entad aguesta Setmana dera Solidaritat son es que seguissen:

SESSIONS DE CINE-FORUM

Sessions de cine-forum damb visionat de:

- "Estación Central" en Otèl Viela de Vielha eth dia 14 d'abriu entàs 22 or.

- "El Señor Ibrahim y las flores del Corán" en Otèl Pirene de Vielha, eth dia 15 d'abriu entàs 22 or.

PELLICULA DE CINE

Eth dia 18 d'abriu a condar des 22,00 or. se passarà era pellicula de cine "El jardinero fiel".

EXPOSICION DETH 18 ATH 25 D'ABRIU

Dia 18 d'abriu entàs 19,00 or. Inauguracion dera exposicion ena Sala Cultural der Ajuntament, plaçada ena Av. Pas d'Arró, damb visionat de DVD sus era cooperacion dera Val d'Aran en Guatemala d'Oscar Rodríguez. Stand informatiu dera Associacion Aran Thal. Exposicion d'Olís de Haiti e fotografies de Mèjic d'Anna Maria Dahm.

INAUGURACION DERA SETMANA SOLIDÀRIA.

Eth dia 19 d'abriu entàs 22,00 or. en cine de Vielha, se celebràrà er acte d'inauguracion d'aguesta setmana. Er acte compdarà damb un stand informatiu des jornades, sus esth títol "Era Índia ruaru e eth projècte dera fundacion Vicente Ferrer" a cargue de Lancey Dodem, membre d'aguesta associacion que tanben mos explicarà er us que se li darà as sòs que s'arremassen.

Ara seguida i aurà un espectacle de musica e dança damb era participacion de Lucia Mas, Samkya, Corau Auba, Escòla de Musica Val d'Aran e Jordi Bardella.

TOÏA SOLIDÀRIA.

Dia 19 d'abriu tàs 17,00 or. enes cubèrts der Ajuntament es participants des talhèrs deth Casau deth Jubilat Sant Miquèu de Vielha, organizaràn ua Toïa Solidària.

ESPECTACLE DE MUSICA E DANÇA

Diuèndres dia 21 d'abriu tàs 19,00 or. en Cine de Vielha, s'organizarà un Hestau de Musica e Balh en quau i participaràn: Talhèr de Musica - Maite Fernández

Corau Garona

Grop de dances Còlha de Santa Maria de Mijaran

Grop de dances Es Fradins de Vielha.

Es Corbilhuèrs

HESTAU CULTURAU

Hestau Cultural en parcatge deth Palai de Gèu de Vielha, dissabte

22 d'abriu, de 10 a 17 or., presentacion des talhèrs qu'organize er Ajuntament de Vielha e Mijaran circ, teatre experimentau, flamenc, atletisme, etc. e exposicion de diuèrsi artistes e artesans joeni.

Tarde culturau de 17 a 21 or. damb era actuacion des grops de circ "Trapezio" e "MIM-HYSTERICUS-CIRCUS" que mos aufrirà es MIM-USICAL interpretat per CAPI-LIO.

Concert entàs joeni a compdar des 23 or. damb es grops: La Guateke Band, Kolomba, Tropico 28 e Los Tarugos.

GALA DE PATINATGE

Dia 23 d'abriu entàs 20,00 or. en Palai de Gèu de Vielha, gala de patinatge artistic organizada peth CEGVA

FÓTBOL SOLIDARI

Partits de fòtbol corresponenti ara liga 05-06, organizadi peth Club de Fòtbol Vielha, en camp municipau de Vielha:

Dia 14 d'abriu tàs 16,00 or.- C.F. VIELHA "J" - E.F. INTERCOMARCAL

Dia 16 d'abriu tàs 17,00 or.- C.F. VIELHA - C.F. AEM

Dia 23 d'abriu tàs 17,00 or.- C.F. VIELHA - C.F. MONTOLIU.

Era entrada ei gratuïta, mès en bar deth camp i aurà ua urna, a on eth public assistent poderà hèr es sues aportacions economicques voluntàries.

CELEBRACION DETH DIA DETH LIBRE - LECTURA DE TÈXTES EN ARANÈS

Eth dimenge dia 23 d'abriu de 10 a 15 ores, Lengua Viua organizarà nauament era lectura de tèxtes literaris en aranès ena Plaça dera Glèisa de Vielha.

Pr'amor deth succès der an passat, damb era intervencion de lèu cinc centes persones, que liegeren quate ores seguides, enguan s'a decidit de torna-i.

Er acte començarà tàs dètz deth maitin damb era lectura completa des òbres que s'an editat darrèrament ena nòsta lengua. "Eth Petit Prince", qu'enguan hè seishanta ans que se publicuèc, entara mainadèra e "Jacinta, casa e país" de Pepita Caubet, tàs adults, de man en man qu'arribetz ena plaça vo'n haran a liéger d'autes. Se vos i voletz higer, era mainadèra vos podetz apuntar en Centre de Recorsi Pedagogics, plaçat en Collègi Garona dera Carretèra de Baquèira, e es adults eth madeish dia 23 ena Plaça dera Glèisa de Vielha e poderatz liéger a mesura qu'arribetz.

Aguest collectiu a editat enguan, un punt de libre damb es drets e es déuers lingüistics des aranès, contengudi en nau Estatut de Catalonha, que s'aufrirà a toti es participants e sortejarà tres lòts de libres en aranès aufridi per Pagés Editors.

EXPOSICION e VENDA DE MANUALITATS

Es dies 26 e 27 d'abriu s'organizaràn ues jornades de pòrtes dubèrtes en CEIP Garona a on se poderà comprar es manualitats exposades.

SOPAR BENEFIC.

Organizat peth Club Soroptimist. Serà en Otèl Tuca de Betren eth diuèndres dia 5 de mai.